



## Vesita d'um lobo picni

2|3



Dia demingue, um **lobo** picni, entrá devagarim mun jardim d'infancia, ondé katinha ninguém. El tcheré kes carrin.  
El tcheré kes perla de vidro burmetch, azul e amarel,  
el tcheré um cabra de madeira e el pensa: «um kré fka li!».

4|5



El tchcubri um torre, feita de cube de madeira.  
El sebi na kel torre e ... pumba!  
el ma kel torre caí na tchon.  
Kel **lobim** caí dent d'um pantufa suave e el bá c'sone.

6|7



Segunda-feira plumanhã, kel **lobim** foi kordod c'ums grit de menine.  
Depreça el levantá e el gatchá deboche d'um almor.  
Dalá el ti t'oiá kes pantufa de kes menine,  
e tambem kes sapatilha azul da Dona Sonja.

8|9



Kel **lobim** ovi kes menine ta ri.  
El spretá ke mut tenção.  
Kes menine tava ta tocá, dançá e cantá um musica  
que tava te falá d'um cabra.

10|11



Já te de nôte, e tud gente já bai. Kel **lobim** saltá decima de kel mesa.  
El panhã um papel, um pincel e el c'meçá de pinta.  
Kostasim el c'meçá te cantá devagarin kel musica de kel cabrinha  
kel tava gostá tcheu.

12|13



Terça-feira, um rolo de papel colante, desenrolá até deboche de kel almor,  
lá ondé kel **lobim** estava. Depreça el empurra kel rolo de papel pa tras.  
El oia manera kes menine tava t'enrolá dôs padoçe grande de cartão na volta  
de dôs mesa. Es tava ta construi um bork.

1|2|3

14|15



Durante kel nôte, kel **lobim** tentá fazé um puzzle.  
«Ma o quia ke ti ta tcheré assim tão sabe?»

16|17



Quarta-feira, kel **lobim** ovi Dona Sonja zangôde:  
«quem é ke chpermentát es bolo d'aniversario?»  
Dona Sonja enfeitá kel bolo c'ums florsinha d'açucar.  
Kes menine desênhã e screvé ses votos num's bandera de papel.  
Es pôs na kel bolo e es cantá parabéns à Ana.

18|19



«Hoje de nôte mim tambem um kré screvé!» pensá kel **lobim**.  
Então el procurá ums laps de cor. El screvé e desenhã até plumanhã.  
É quinta-feira, kes menine entrá ta corré e c'um barulho,  
na kel jardim d'infancia.

20|21



D'um solte kel **lobim** caï dent d'um gaveta ke tava meio aberto.  
Na kel mesmo instante Dona Sonja tchgá.  
El falá devargarin: «es menine devia ter mas um quezinha d'ordem»  
e el fetchá kel gaveta. «Au!» kel **lobim** fká c'um pata engatôd.

22|23



Felizment el consgui desengatá sé pata.  
El po sé nariz fora de kel gaveta.  
El oia um bruxa picni ta sebi decima de kel mesa, um mágico ta cortá cenora,  
dôs menine ta brigá um mascara de lobo. Kel **lobim** ari.

1|2|3

24 | 25



De nôte kel **lobim** montá kes linha de comboio de madeira e el pol t'andá.  
El construi um torre, um estação e um curral pa kel cabra de madeira.

26 | 27



Sexta-feira, kel **lobim** speté ovido kond Dona Sonja tava ta contá kel historia de capuchinho vermelho. El ta gostá d'es historia. Ma el ka kré ovi fala nem de caçador nem de spingarda. El tapa ovido ke ses dôs pata de frente.

28 | 29



De nôte, kel **lobim** bá b'scá tude kes livre, e el spias, um por um, durante tcheu tempe.

30 | 31



«Porqué, hoje ta ton calme?» Pensa kel **lobim**, sôbde.  
Um baçora grande passá deboche de kel almor e trá kel **lobim** dá lá ondé kel tava gotchod. Um metcher de limpeza dzé spantod:  
«Ô ke **lobim** ton bnitin! um ti ta ba sental dent d'um carrin de menin!»

32 | 33



Dia demingue, ninguem bem encomodá kel **lobim**.  
El cozinhã um sopa de letra num fugonzim de boneca ...

34 | 35



E el convidá p'um almoçe de festa tud kes boneca, kes animal de peluche e kel cabra de madeira kel ta gostá tont.

1 | 2 | 3